

BOSNA I HERCEGOVINA  
FEDERACIJA BOSNE I HERCEGOVINE

**VIJEĆE ZA INFRASTRUKTURU PROSTORNIH PODATAKA  
FEDERACIJE BOSNE I HERCEGOVINE**

**IZVJEŠTAJ O RADU ZA  
2017. GODINU**

Sarajevo, decembar 2017.

## IZVJEŠĆE VIJEĆA IPP FBiH ZA 2017. GODINU

### SADRŽAJ:

SADRŽAJ: .....	2
<b>1. Struktura i zadaci Vijeća Infrastrukture prostornih podataka.....</b>	<b>3</b>
1.1     Struktura Vijeća infrastrukture prostornih podataka .....	3
1.2     Zadatci Vijeća .....	3
<b>2. Aktivnosti Vijeća IPP F BiH u 2017. godini .....</b>	<b>4</b>
<b>3. Pregled donesenih informacija, zaključci i odluke .....</b>	<b>6</b>
<b>4. Finansijski plan i njegovo izvršenje.....</b>	<b>8</b>

## 1. Struktura i zadaci Vijeća Infrastrukture prostornih podataka

### 1.1 Struktura Vijeća infrastrukture prostornih podataka

Vijeće za infrastrukturu prostornih podataka Federacije Bosne i Hercegovine (u daljem tekstu: Vijeće IPP FBiH) je organ Infrastrukture prostornih podataka, utvrđen člankom 9. Uredbe o infrastrukturi prostornih podataka Federacije Bosne i Hercegovine („Službene novine Federacije Bosne i Hercegovine“ broj 45/14, u daljem tekstu: Uredba).

Vijeće IPP FBiH je u skladu sa članom 9. Uredbe imenovala Vlada Federacije Bosne i Hercegovine, Rješenjem V. broj: 1502/2015. od 05. 11. 2015. godine, a čine ga predstavnici sljedećih institucija:

- Federalne uprave za geodetske i imovinsko-pravne poslove
- Federalnog ministarstva prostornog uređenja
- Federalnog ministarstva obrazovanja i nauke,
- Federalnog ministarstva okoliša i turizma
- Federalnog ministarstva prometa i komunikacije
- Federalnog ministarstva poljoprivrede, vodoprivrede i šumarstva,
- Federalnog ministarstva financija
- Federalnog ministarstva pravde,
- Federalnog ministarstva unutrašnjih poslova
- Federalnog ministarstvo energije, rudarstva i industrije
- Federalnog zavoda za statistiku.

### 1.2 Zadaci Vijeća

Vijeće IPP FBiH je prema članu 10. Uredbe nadležno za obavljanje sljedećih zadataka:

- predlaže Vladi Federacije Bosne i Hercegovine subjekte, kriterije i norme za osnivanje i održavanje IPP FBiH, srednjoroči program rada, izvore i način finansiranja IPP FBiH

## IZVJEŠĆE VIJEĆA IPP FBiH ZA 2017. GODINU

- određuje subjekt odgovoran za određenu temu IPP FBiH
- usklađuje aktivnosti subjekata IPP FBiH
- vrši kontrolu, osnivanja i funkcionisanja IPP FBiH
- donosi poslovnik kojim uređuje svoj rad
- formira radne grupe IPP FBiH za obavljanje određenih stručnih poslova
- Izvještava Vladu Federacije Bosne i Hercegovine, subjekte IPP FBiH i javnost o aktivnostima vezanim za osnivanje i funkcionisanje IPP FBiH.

Sredstva za finansiranje aktivnosti Vijeća IPP FBiH osiguravaju se u budžetu Federacije Bosne i Hercegovine.

Sjednice Vijeća IPP FBiH održale su se u prostorijama Federalne Uprave za geodetske i imovinsko-pravne poslove, koja ujedno pruža neophodnu administrativno-tehničku podršku potrebnu za nesmetan rad Vijeća IPP FBiH, osim šeste sjednice, koja je održana u Mostaru.

## 2. Aktivnosti Vijeća IPP FBiH u 2017. godini

Prva, konstituirajuća, sjednica Vijeća IPP FBiH održana je 07.12.2015. godine. Tokom 2017. godine, Vijeće IPP FBiH je održalo četiri sjednice, i to prva sjednica u Mostaru 21 marta, dok su se preostale tri sjednice održale u prostorijama Federalne Uprave za geodetske i imovinsko-pravne poslove: 12 jula, 20 novembra i 14 decebra.

U Mostaru je održan zajednički sastanak Vijeća i Radne grupe za institucionalna i pravna pitanja IPP FBiH gdje su takođe bili prisutni i kolege iz Švedske, Hrvatske i Makedonije što je omogućilo dodatnu edukaciju prisutnih o IPP.

Aktivnosti rada Vijeća IPP FBiH pratile su Trogodišnji plan Vijeća IPP FBiH za period 2017-2020 i odnosile su se na odluke o:

- a) imenovanju predsjednika i članova Radne grupe;
  - a. za institucionalna i pravna pitanja IPP FBiH,

## IZVJEŠĆE VIJEĆA IPP FBiH ZA 2017. GODINU

- b. za tehničke standarde IPP FBiH i ostala pitanja iz nadležnosti Vijeća IPP FBiH,
- c. zamjeni predsjedavajućeg Radne grupe za institucionalna i pravna pitanja IPP FBiH,
- b) izradi web stranice Vijeća IPP FBiH;
- c) privremenom prihvaćanju loga Vijeća IPP FBiH;
- d) raspisivanju tendera za prikupljanje podataka i formiranje baze podataka za Registar subjekata IPP FBiH i Registra izvora prostornih podataka IPP FBiH;
- e) formiranju Radne grupe za komunikaciju i izgradnju kapaciteta IPP FBiH.

Odlukom o formiranju Radnih grupa Vijeća IPP FBiH, Vijeće je definisalo strukturu članova, te odredilo koje institucije treba da imenuju članove Radnih grupa.

Radna grupa za institucionalna i pravna pitanja IPP FBiH je zadužena za pripremu i izradu teksta nacrtva Zakona o IPP FBiH do kraja 2017 godine. Izvršena je izmjena predsjednika Radne grupe za institucionalna i pravna pitanja IPP FBiH, jer se prvi imenovani predsjednik Radne grupe nije u potpunosti mogao posvetiti poslovima koje iziskuje ova pozicija zbog previše obaveza. Novi predsjednik Radne grupe za institucionalna i pravna pitanja je, na trećoj sjednici Vijeća IPP FBiH u 2017-toj godini, predstavio prvu, radnu verziju nacrtva Zakona o IPP FBiH. Zakon ima 30 članova i u potpunosti je u skladu sa INSPIRE<sup>1</sup> direktivama.

Radna grupa za tehničke standarde IPP FBiH, je zadužena za kreiranje okruženja za donošenje odgovarajućih pravilnika i primjenu međunarodnih standarda iz oblasti IPP. Usvojen je Poslovnik o radu i Prijedlog aktivnosti ove Radne grupe. Predsjednik Radne grupe za tehničke standarde je, na trećoj sjednici Vijeća IPP FBiH u 2017-toj godini, izjavio da ova grupa ima izvjesnih poteškoća i da je pored do sada usvojenih dokumenata, uglavnom radila na edukaciji članova i usvajanju terminologije, kao i to da će ova Radna grupa u januaru 2018 godine imati prezentaciju svojih aktivnosti i rezultata.

Odlukom o kreiranju web stranice Vijeća IPP FBiH, Federalna uprava za geodetske i imovinsko-pravne poslove, zadužena je da izradi i održava web stranicu Vijeća IPP

<sup>1</sup> Infrastructure for Spatial Information in the Europe-Infrastruktura za prostorne podatke u Evropi

## IZVJEŠĆE VIJEĆA IPP FBiH ZA 2017. GODINU

FBiH. Web stranica treba da posluži u obavljanju javnosti o aktivnostima Vijeća IPP FBiH, kao i aktivnostima vezanim za osnivanje i funkcionisanje infrastrukture prostornih podataka Federacije Bosne i Hercegovine. Federalna uprava za geodetske i imovinsko-pravne poslove je izradila web stranicu Vijeća IPP FBiH (kojoj se može pristupiti putem linka <https://ippfbih.gov.ba/>), na kojoj su inkorporirani svi dosadašnji dokumenti Vijeća IPP FBiH. Stranica je u potpunosti kompaktibilna sa mobilnim uređajima, tabletima itd. Planirano je da sve institucije, koje imaju prostorne podatke, mogu objaviti podatke putem ove web stranice. Ova web stranica je platforma koja će se dograđivati, te bi na kraju 2019-te (Trogodišnji plan Vijeća IPP FBiH za period 2017 do 2020) trebao biti u funkciji i geoportal IPP FBiH.

Vijeće IPP FBiH je razmatralo prijedloge loga Vijeća IPP FBiH, koje je dala Federalna uprava za geodetske i imovinsko-pravne poslove, te donijelo odluku o privremenom izgledu loga.

Registrar subjekata IPP FBiH i Registrar izvora prostornih podataka IPP FBiH prepoznati su kao temelj za praćenje implementacije infrastrukture prostornih podataka u Federaciji BiH. Važnost formiranja Registra subjekata IPP FBiH i Registra izvora podataka IPP FBiH ogleda se i u tome da se smanji dupliranje nadležnosti i podataka, a s druge strane da se evidentiraju podaci za koje niti jedna institucija nije nadležna (npr. Geografska imena). Federalna uprava za geodetske i imovinsko-pravne poslove, na inicijativu Vijeća IPP FBiH, provela je javnu nabavku usluge izrade spomenutih registara.

Vijeće IPP FBiH je donijelo odluku o formiranju Radne grupe za komunikaciju i izgradnju kapaciteta IPP FBiH, kojom je definisana struktura, i određene koje institucije treba da imenuju svoje osoblje kao članove ove Radne grupe.

### 3. Pregled donesenih informacija, zaključci i odluke

Vijeće IPP FBiH je na održanim sjednicama tokom 2017. godine donijelo sljedeće informacije, zaključke i odluke:

1. Informacija o radu Radne grupe za institucionalna i pravna pitanja IPP FBiH.

## IZVJEŠĆE VIJEĆA IPP FBiH ZA 2017. GODINU

2. Odluka o kreiranju web stranice IPP FBiH prema kojoj je za izradu i održavanje web stranice Vijeća IPP FBiH je odgovorna Federalna uprava za geodetske i imovinsko-pravne poslove Federacije Bosne i Hercegovine.
3. Zaključeno je da Federalna uprava za geodetske i imovinsko-pravne poslove , ispred Vijeća IPP-a FBiH, pripremi i pošalje poziv za imenovanje predstavnika za Radnu grupu za tehničke standarde IPP FBiH sljedećim institucijama:
  - a. Federalnoj upravi za geodetske i imovinsko-pravne poslove
  - b. Federalnom ministarstvu prostornog uređenja
  - c. Federalnom ministarstvu okoliša i turizma
  - d. Agencije za vodno područje rijeke Save i
  - e. Agencije za vodno područje Jadranskog mora.

Zadatak Radne grupe je, prema usvojenom Trogodišnjem planu Vijeća IPP FBiH za period 2017 do 2020, proučavanje INSPIRE specifikacija, izrada vodiča za definiranje načina postavljanja i validiranja podataka/metapodataka/servisa na osnovu postojećih alata, izrada vodiča za harmonizaciju sukladno INSPIRE pravilima.

4. Izmjena voditelja Radne grupe za institucionalna i pravna pitanja IPP FBiH.
5. Informacija o izradi drafta web stranice Vijeća IPP FBiH.
6. Aktivnosti vezane za odabir loga Vijeća IPP FBiH.
7. Informacija o obavljanju tendera za prikupljanje podataka i formiranje baze podataka za Registar subjekata IPP FBiH i Registra izvora prostornih podataka IPP FBiH.
8. Informacija radu Radne grupe za tehničke standarde IPP FBiH, te prijedlog izmjene zadatka te radne grupe.
9. Zaključeno je da Federalna uprava za geodetske i imovinsko-pravne poslove, ispred Vijeća IPP-a FBiH, pripremi i pošalje poziv za imenovanje predstavnika za Radnu grupu za komunikaciju i izgradnju kapaciteta IPP FBiH sljedećim institucijama:
  - a. Federalnoj upravi za geodetske i imovinsko-pravne poslove
  - b. Federalnom ministarstvu prostornog uređenja
  - c. Federalnom ministarstvu okoliša i turizma
  - d. Federalnom ministarstvu prometa i komunikacija

## IZVJEŠĆE VIJEĆA IPP FBiH ZA 2017. GODINU

e. Federalnom ministarstvu financija.

10. Prihvatanje prijedloga Izvještaja Vijeća IPP FBiH za 2017.godinu i upućivanje Vladi Federacije Bosne i Hercegovine.

### 4. Finansijski plan i njegovo izvršenje

U skladu sa Rješenjem: V broj: 1502/2015. od 05. novembra 2015. godine, koje je objavljeno u („Službenim novinama Federacije BiH“ broj: 88/15) , Vlada je definisala način plaćanja članova Vijeća IPP FBiH. Način plaćanja Vijeća IPP FBiH sukladan je pozitivnim zakonskim propisima.

Broj: 01-30-3-1566-26/15

Sarajevo, 15.12.2017.

